

4. gr.

101

Húsnæðismálastjórn er skylt að gæta þess, að útlán hins almenna veðlána-kerfis skiptist sem jafnast um landið og skal við skiptingu lánsfjár milli byggðar-laga fyrst og fremst taka tillit til íbúatölu, sem fyrir er í hlutaðeigandi byggðarlagi, svo og byggingaþörf, á meðan eftirspurn er ekki fullnægt.

5. gr.

Þegar innlánsstofnanir hafa komið á fót samningsbundnum sparnaði til íbúðar-bygginga eða íbúðarkaupna, sbr. 2. lið 9. gr. laga nr. 55 frá 20. maí 1955, skulu þeir lánaumsækjendur sitja fyrir lánum frá hinu almenna veðlánakerfi, sem færa sönnur á að þeir hafi safnað á slíkan hátt a. m. k. 20% af áætluðu kostnaðarverði íbúðar þeirrar, er þeir ætla að byggja eða kaupa, enda hafi slík innlög hafizt a. m. k. 4 árum fyrir lánsúmsókn, eftir nánari reglum, er húsnæðismálastjórn setur.

Reglugerð þessi staðfestist hér með samkvæmt lögum nr. 55 20. maí 1955, um húsnæðismálastjórn, veðlán til íbúðarbygginga og útrýmingu heilsuspillandi íbúða, til að öðlast þegar gildi, og birtist til eftirbreytni öllum, sem hlut eiga að máli.

Í félagsmálaráðuneytinu, 18. ágúst 1955.

Steingrímur Steinþórsson.

Hjálmar Vilhjálmsson.

STARFSREGLUR

102

30. ágúst

fyrir flugráð.

1. gr.

Flugráð fer með stjórn flugmála undir yfirstjórn ráðherra, en flugmálastjóri annast framkvæmd ályktana ráðsins og daglegan rekstur flugmála.

2. gr.

Flugráð skal bera undir ráðherra öll mál, sem mikilvæg eru eða þannig vaxin, að ráðið telur ástæðu til að ráðherra fjalli um þau. Flugráð ákveður, með sérstakri samþykkt, með hverjum hætti málið er lagt fyrir ráðherra.

3. gr.

Flugráð skal halda reglulega fundi vikulega. Aukafundi heldur ráðið, er þess gerist þörf og ætíð, ef formaður eða tveir flugráðsmenn óska þess.

4. gr.

Formaður flugráðs stýrir flugráðsfundi og leggur fyrir ráðið þau mál, er því ber að fjalla um. Í fjarveru formanns flugráðs stýrir varaformaður þess fundum ráðsins, en sé hann ekki viðstaddur, tilnefnið ráðið fundarstjóra úr sínum hópi.

5. gr.

Löglega boðaðir flugráðsfundir eru lögmætir og ályktunarfærir, ef þrír flugráðsmenn eru mættir hið fæsta. Geti aðalmaður í flugráði ekki mætt á fundi, skal kalla varamann hans til, ef aðalmaður óskar þess. Hafi tveir fundir í röð orðið

102 óályktunarfærir, vegna fjarveru aðalmanna, skal boða varamann á næsta fund, ef
30. ágúst ástæða er til að ætla, að aðalmaður verði þá einnig fjarverandi. Varamaður vikur, ef aðalmaður mætir.

Afl atkvæða ræður úrslitum á fundum flugráðs.

6. gr.

Allar gerðir flugráðs skulu færðar í gerðabók. Að afloknum fundi og svo fljótt sem við verður komið, skal flugráðsmönnum sent afrit af fundargerð og dagskrá næsta fundar.

7. gr.

Flugráð semur á hverju ári áætlun um tekjur og gjöld flugmálanna á næsta ári, til afnota fyrir flugmálaráðherra við samningu fjárlaga, og aðstoðar ráðuneytið við afgreiðslu fjárhagsáætlunar fyrir flugmálin. Ber flugráði að fylgjast með framkvæmd fjárhagsáætlunarinnar og sjá um, að henni sé fylgt og fé ekki varið umfram áætlun eða til annarra þarfa en áætlunin ákveður, nema með sérstöku leyfi ráðuneytisins.

8. gr.

Ekki má stofna til neinna nýrra framkvæmda eða skuldbindinga, sem máli skipta, nema samþykki flugráðs sé áður fengið. Skal gera kostnaðaráætlanir um allar framkvæmdir, áður en í þær er ráðizt og þeim haldið innan þess sviðs, sem fjárveitingar fjárlaga marka.

9. gr.

Til þess að auðvelda flugráði starf þess við framkvæmd fjárlaga og eftirlit með meðferð þess fjár, sem veitt er til flugmála á fjárlögum, skal skrá í sérstaka dagbók alla reikninga, er skrifstofu flugmálanna berast og þess sérstaklega getið, frá hverjum reikningurinn er, fyrir hvað, reikningsupphæð, hvenær hann barst og hvenær hann er greiddur. Dagbók þessi, ásamt ógreiddum og ósamþykktum reikningum, skal jafnan liggja frammi á fundum flugráðs, ásamt tillögum flugmálastjóra um afgreiðslu þeirra.

10. gr.

Fyrir 15. dag hvers mánaðar skal leggja fram á flugráðsfundi, í 5 eintökum, afrit af skilagrein til ráðuneytisins, um rekstur flugmálanna hinn næsta mánuð á undan. Heldur hver flugráðsmanna sínu eintaki. Skilagreininni skulu fylgja, í 5 eintökum, nauðsynleg yfirlit til að sýna, hversu miklu fé hefur verið varið á árinu til einstakra framkvæmda, greitt og áætlað ógreitt svo og sundurliðun á tekjum.

11. gr.

Ársreikningur flugmálanna skal uppgerður og endurskoðaður, innan þess tíma, er ráðuneytið mælir fyrir, og lagður fyrir flugráð, ásamt fylgireikningum, svo snemma að flugráð geti tekið afstöðu til reikningsins, áður en hann er sendur ráðuneytinu.

Fyrir lok janúarmánaðar ár hvert skal leggja fyrir flugráð heildaryfirlit um rekstur flugmálanna á liðnu ári.

12. gr.

Sérstaka dagbók skal halda um öll bréf, er flugráði berast, og bréf um mál, er leggja ber fyrir ráðið. Þá skal og skrá í sömu bók öll bréf, er send eru út á vegum flugráðs og bréf um efni, er flugráð á að fjalla um. Skal skrá, hver sé sendandi bréfs og viðtakandi, dagsetningu, móttökuðag og greina, um hvaða málefni bréfið er. Bók þessi skal liggja frammi á fundum flugráðs, ásamt óafgreiddum bréfum og afriti af sendum bréfum, er flugráð hefur ekki séð áður.

13. gr.

102

Allar ráðningar fasts starfsfólks flugmálanna skal leggja undir flugráð, áður en frá ráðningu er gengið, og er óheimilt að greiða því laun, áður en ráðherra hefur staðfest ráðninguna.

Starfsskiptingu fulltrúa flugmálastjóra skal einnig leggja fyrir flugráð til staðfestingar.

14. gr.

Flugráð ákveður um sendiferðir starfsmanna flugmálanna úr landi á þeirra vegum og ráðstafar störfum þeirra á meðan þeir eru fjarverandi.

Flugráði skal gefin skrifleg skýrsla um þær ferðir, sem ráðið hefur ákveðið.

15. gr.

Um risnu flugráðs fer eftir því, sem ráðið ákveður hverju sinni.

16. gr.

Flugráð skal í starfi sínu hafa sem nánast og bezt samstarf við flugfélögin um öll mál, er þau varða, og gefa trúnaðarmönnum þeirra kost á að tjá sig um og fylgjast með meðferð þeirra mála, er ætla má að flugfélögin telji snerta hagsmunum sína að verulegu leyti eða óska eftir að fylgjast með.

Starfsreglur þessar eru hér með settar samkvæmt lögum nr. 119 28. des. 1950, um stjórn flugmála, til þess að öðlast þegar gildi, og birtast til eftirbreytni öllum þeim, sem hlut eiga að máli.

Samgöngumálaráðuneytið, 30. ágúst 1955.

Ingólfur Jónsson.

Brynjólfur Ingólfsson.

BYGGINGARSAMÞYKKT

103

3. sept.

fyrir Árnessýslu.

1. gr.

Byggingarsamþykkt þessi nær til hvers konar húsabygginga, er teljast fram-búðarbyggingar á jörðum, er til lögbýla teljast, þar með talin nýbýli, svo og bygginga, sem reistar eru á lóðum og lendum innan takmarka sýslunnar.

Undanskilin eru þó ákvæðum samþykktarinnar þau kaup tún, er hafa sett sér byggingarsamþykkt samkvæmt lögum nr. 19 frá 20. október 1905. Setji slíkir staðir sér síðar samþykkt, þá eru þeir þar með undanþegnir ákvæðum byggingarsamþykktar þessarar.

2. gr.

Sýslunefnd ræður byggingarfulltrúa í samráði við Teiknistofu landbúnaðarins. Hann skal vera húsameistari eða húsasmíðameistari með fullum lögréttindum og ráðinn til tveggja ára í senn.

Byggingarfulltrúi skal vera formaður byggingarnefnda hinna einstöku hreppa og hefur á hendi eftirlit um, að fyrirmælum byggingarsamþykktar sé fylgt.